





史拾廣覽

雞肋

從理入口

重瞳目異

累世有列傳

千里駒

知囊

萬石君

大人跡

猿臂善射

垂手下膝

口吃

古人嗜好

夢筆

軍中有女子

古人酒量

漢兩張禹

晉兩劉毅

唐兩李光進

三世用之字

補

名食其

補

鷄肋目終

史拾廣覽

雞肋

宋 趙崇絢集

從理入口

漢周亞夫從理入口、竟以餓死、南史有水軍都督褚
羅面甚尖危、從理入口、竟保衣食而終、

重瞳目異

舜目重瞳、項羽亦重瞳而兇、垓下、隋魚俱羅目有重

瞳爲煬帝所忌、斬東都市、

累世有列傳

晉呂虔有佩刀、工相之以爲必登三公、可服此刀、以
與王祥、臨薨以刀授弟覽曰、汝後必興、足稱此刀、
覽後奕世多賢才、覽孫導至十一世孫褒、歷兩晉宋
齊梁陳後周、凡七十餘人、皆有列傳、如義之、獻之、徽
之、弘、僧遠、曇首、僧綽、僧虔、儉、皆有孫裔、此史傳所無
也、若河東裴十代有傳、非一祖流傳、又晉謝氏及南

史江氏亦數代有傳皆不及也

千里駒

二十三人

漢劉德

魏曹休

晉傅咸

劉曜

符朗

宋張敷

梁蕭映

王規

劉杳

王茂

任昉

齊丘仲孚

袁昂

北魏李孝伯

袁躍

北齊馮翊

王潤

崔昂

元文遙

後周杜果

隋張乾威

唐李嵩

成王千里

知囊

五人

史記秦樗里子號知囊。漢鼂錯以辯號知囊。東漢魯匡王莽時爲義和有權數號知囊。晉宣帝舉兵廢曹爽桓範出赴爽宣帝曰知囊往矣。杜預號知囊。

萬石君

五人

漢石奮號萬石君。馮揚宣帝時爲弘農太守八子皆二千石號萬石君。東漢秦彭與群從同時爲二千石者五人。三輔號萬石秦氏。唐張文瓘高宗時爲侍中。

四子皆至三品人謂之萬石張家又西漢嚴延年兄
第五人皆至大官東海號其母曰萬石嚴姬

大人跡 四見

史記始皇時有大人見臨洮腳跡六尺漢武帝求神
仙公孫卿至東萊言見大人長數丈跡甚大魏咸熙
二年大人見襄武縣跡長三尺三寸唐則天長安元
年司刑寺囚偽作大人跡五尺改元大足

猿臂善射 四人

漢李廣

吳太史慈

前趙劉淵

後唐李存孝

垂手下膝

十五人

蜀先主

晉武帝

後周太祖

陳武帝宣帝

前趙劉曜

秦苻堅

後秦姚萇

南燕慕容垂

五代南漢劉龔

蜀王衍

南史陳柳皇

后皆垂手下膝又北魏李祖昇南史宋王元初隋劉

元進手垂過膝皆以誅死

口吃 十三人

韓非

司馬相如

楊雄

周昌

魯恭王

魏明帝

鄧艾

宋孔顗

後周盧柔

鄭偉

隋盧楚

唐李固言

南唐孫盛

古人嗜好十六見

文王嗜菖蒲

武王嗜鮑魚

吳王僚嗜魚炙

屈

到嗜芰

魯皙嗜羊棗

公儀休嗜魚

王莽嗜鰓

魚王右軍嗜牛心

宋明帝嗜蜜漬鱖

齊宣

帝嗜起麪餅鴨膾。高帝嗜肉膾。陳後主嗜驢肉。

齊蕭頴胄噉白肉膾至三斗。後魏辛紹先嗜羊肝。

唐陸鴻漸嗜茶。魏明帝好槌鑿聲。

夢筆 五見

江淹夢五色筆。王珣夢人與大筆如椽。紀少瑜

嘗夢陸倕以一束青縷筆授之。唐李嶠夢人遺之

雙筆。李白夢筆生花。

軍中有女子 六見

梁湘東王嘗出軍。有人將婦從者。王曰。才愧李陵。未能先誅女子。將非孫武。遂欲驅戰婦人。徐君舊爲諮議參軍。幼聰明。應聲曰。項籍壯士。猶有虞兮之愛。紀信成功。亦資姬人之力。北魏太武令古弼征馮弘。高麗救軍至。弘令婦人被甲居中。其精卒及高麗陳兵於外。遂東奔高麗。唐韓弘惡李光顏忠力。思有以抗讎之。乃飾名姝遺光顏。光顏大合將校。置酒。使者引侍姝至。秀曼都雅。一軍驚視。光顏徐曰。我去室。

家久。以爲公憂。誠無以報德。然將士皆棄妻子。蹈白刃。奈何。獨以女色爲樂。厚賂使者。遣之。將卒感激。王智興破姚海。獲美妾三人。智興曰。軍中有女子。安得不敗。即斬以徇。隋文帝以帝孝寬爲元帥。擊尉遲迥。孝寬有疾。每卧帳中。遣婦人傳教命。唐柴紹吐谷渾黨項寇邊。敕紹討之。虜據高射。紹軍紹安坐。令人彈琵琶。使二女舞。虜疑之。休射觀。紹伺其懈。以精騎衝擊虜。大潰敗。

古人酒量 十三人

漢子定國爲廷尉。食酒至數石。不亂。冬月。治請讞飲。酒益精明。鄭康成飲酒一斛。盧植能飲一石。

晉周顗飲一石。劉伶一石五斗。解醒。前燕皇甫

真飲石餘。不亂。後魏劉藻一石。不亂。南齊沈文

季飲至五斗。妻王錫女飲酒亦至三斗。對飲竟日。而

視事不廢。鄧元起飲至一斛。不亂。北史柳謩之

飲一石。不亂。陳後主與子弟日飲一石。孔珪飲

酒七八斗

漢兩張禹

前漢張禹字子文成帝時爲丞相封安昌侯後漢張禹字伯達和帝時爲太傅安帝時以定策功封安鄉侯

晉兩劉毅

一字仲雄公正峭直武帝時爲尚書左僕射一字希樂與劉裕起義兵討桓玄爲豫州刺史

唐兩李光進

其先皆蕃部人。皆爲名將。建節越一乃光弼之弟。一乃光顏之兄。

三世用之字

補

王羲之子徽之。徽之子禎之。王允之子晞之。晞之子肇之。王晏之子崑之。崑之子陋之。皆三世同用之字。胡母輔之子謙之。吳隱之子瞻之。顏悅之子愷之。皆兩世同用之字。

名食其補

酈審趙三人同名食其以六國時衛有司馬食其並
慕其名也

雞肋終

史拾廣覽

刑書釋名

黃帝刑

周刑

漢刑

魏刑

晉刑

梁刑

北齊刑

後周刑

隋唐宋金刑

古今刑典

刑書釋名

卷之八

刑書釋名
終

史拾廣覽 刑書釋名

宋王鍵纂

黃帝刑

一曰鞭朴二曰鑽鑿

鑽臍刑去膝蓋骨也鑿黥也以

墨涅其面

三曰刀鋸

刀割鼻也鋸刑斷足也

四

曰斧鉞

斬刑軍戮也

五曰甲兵

以六師誅禍亂也

周刑

一曰墨

黥也、割其面以涅之

二曰劓

截其鼻三曰剕

即刖刑也

四曰宮

淫刑也、男子割其勢、女子則幽

閉五曰大辟

死罪也、其等有七、一曰斬、誅之斧鉞

二曰絞、以刀必棄市三曰搏、去衣磔之也四曰焚

燒殺之也五曰辜、磔之也六曰路、斃之於市肆也

七曰磔、縊之於隱處

漢刑

一曰笞

笞也、文帝以代肉刑、景帝自五百減至二百

二曰劓 謂罪不至髡完其劓鬢止去其頰毛也二

歲役刑三曰完 謂不加以肉刑而髡鬢為城旦舂

四歲刑也四曰髡 孝文定律當黥者髡鉗為城旦

舂五曰死 有三等一曰棄市謂當斬右趾及殺人

者二曰磔謂殘而張屍於市也三曰三木謂誅及

三族也

魏刑

一曰贖 有十一等 二曰罰金 有六等 三曰雜抵罪 有

七等四曰作居役也有四等五曰完有三等六曰

髡有四等七曰死有三等

晉刑

一曰輸贖用金緡贖罪也二曰髡作三曰棄市四曰

斬五曰梟首

梁刑

一曰贖二曰答三曰劓四曰髡鉗五曰死

北齊刑

一曰杖 三等自一十至三十 二曰鞭 撻馬杖也 有五

等 自四十至一百 三曰劓 五等 自一歲至五歲 四

曰流 鞭之百、投之邊裔、重者鞭背、輕者鞭臂、有六

年之刑 五曰死 重者轘之、輕者梟首

後周刑

一曰杖 自一十至五十 二曰鞭 自六十至一百 三曰

徒 自一年至五年 四曰流 自二千五百里至四千

五百里 五曰死 五等為磔絞斬梟裂也

隋唐宋金刑

一曰笞

漢用竹、今用荆、自一十至五十、

二曰杖

古用

鞭、今用杖、自六十至一百、

三曰徒

隋三等、自一年

至三年、唐增一年半、二年半、改為五等、金增四年、

五年、通為七等、

四曰流

隋制三等、自一千里至三

千里、宋改為二千里、至三千里、金相同、

五曰死

隋

唐宋同二等、一曰絞、二曰斬、金加凌遲共三等、

古今刑典

殺神農氏殺夙沙氏、戮黃帝擒戮蚩尤、桀黔蚩尤之

刑也、馬剔人肉、置其骨也、安祿山執常山太守顏

杲卿呂之、支解漢紀法、截其四肢也、醢商紂醢九

侯、烹齊哀公烹於周、誅堯誅三苗、族誅商紂有誅

九族之條、門誅後魏書赤族漢書赤盡也、誅夷誅

夷周刑也、誅者罪連一宗、夷者及九族、車裂商鞅

殘酷、秦人殺而車裂之、分屍同支解漢分項王屍

炮烙商紂造、抽脇鑿頂皆商鞅法也、梟斬首懸木

上、漢梟彭越之首、腰斬秦腰斬李斯、棄市刑人於

車、棄之於市也、偶漢賈誼曰、棄市之法也、肆殺而

陳其屍也、見論語、斫張飛欲斫嚴顏頭、炙晉大將

軍、穎灸長沙王、撲秦法以囊盛人、而撲殺之、脯紂

脯鄂侯、鋸以木解人、李克用鋸孫揆也、擣吏民所

為犯法者、擣殺之、剗誅於剗角、不露天也、易曰其

刑剗橫分、漢書注、離也、剗、漢注以刀自裁、格祭遵

格殺舍中兒、拉宋武帝拉殺諸葛長民、天睽卦釋

文刺鑿其額命曰天、抵死漢注、抵觸也、沈命應邵

曰沈沒也、斧質項籍傳、身俟斧質、師古曰質、鉗也、

斬人加於鋸上而斫之也、殊死漢律、斬刑也、鉗灼

江統傳、燒鐵鉗灼、強其服罪、剥皮後晉紀注、刺割

也、瘦死漢注、囚以餓寒死者曰瘦、羸楊雄傳、諸不

以罪死者曰羸、腐宮刑也、三族謂父母妻、髡鉗去

犯人髡、以鐵束項也、鬼薪漢令役人取薪、給宗廟、

三歲刑、謫運梁徒役也、男子謫運、女子質作、配役

宋文省流刑令帶錄居作白繫漢令役人坐擇繫

三歲刑也城旦舂漢法旦者男子旦起行治城舂

者婦人舂作繫也

刑書釋名終

史拾廣覽

占候抄

易飛候

漢京房

易稽覽圖

易川靈圖

易通卦驗

尚書旋璣鈴

尚書帝命期

尚書考靈耀

尚書中候

詩含神霧

詩紀曆樞

春秋元命包

春秋運斗樞

春秋文曜鉤

春秋合誠圖

春秋孔演圖

春秋說題辭

春秋感精符

春秋潛潭巴

春秋佐助期

春秋緯

春秋繁露

禮稽命徵

禮舍文嘉

禮斗威儀

大戴禮逸

樂稽耀嘉

孝經援神契

孝經鈎命決

孝經左契

孝經內事

五經析疑

五經通義

龍魚河圖

河圖括地象

河圖稽命徵

河圖稽耀鉤

河圖始開圖

遁甲開山圖

自易稽覽圖至此俱闕名

畢萬術

漢南

獨斷

漢蔡邕

中華古今注

馮縞

古今注

崔豹

袖中記

沈約

演繁露

宋程大昌

筆記

宋宋祁

誠齋雜記

元周達觀

釣磯立談

宋費極

硯崗筆誌

宋唐稷

嘉蓮燕語

闕名

致虛雜俎

闕名

漂粟手牘

闕名

奚囊橘柚

闕名

樹萱錄

唐劉燾

三餘帖

闕名

就日錄

元耐得翁

咸定錄

闕名

談撰

元虞裕

丹鉛總錄

明楊慎

鴻書

明劉仲達

相雨書

宋黃子發

占候抄目

終

史拾廣覽

占候抄

明 吳弘基纂

易飛候 京房

正月有偃月。必有嘉王。視四方常有青雲主豐。
四方常有大雲五色具其下。賢人隱。青雲潤澤蔽日。
在西北為舉賢良。何以知聖人隱也。清風明其來。
長久不動。搖物此有龍德在下也。鼠舞國門。厥咎。

亡鼠舞於庭。厥咎誅死。凡日食背於晦朔。不於晦

朔食者。名曰薄。主人民有災患。凡候雨以晦朔弦

望。雲漢四塞者。皆當雨。如斗牛。彘當雨。暴有異雲。如

水牛。不三日大雨。雲如羣羊奔如飛鳥。五日必雨。雲

浮船。皆雨。北斗獨有雲。不五日大雨。四望見青白雲。

名曰天寒之雲。雨微。蒼黑雲細如杼軸。蔽日月。五日

必雨。雲如兩人提鼓持桴。皆為暴雨。太平之時。十

日一雨。凡歲三十六雨。此休徵時。若之應。有雲大

如車蓋十餘。此陽火之氣。必暑有暘者。

易稽覽圖

太平時陽陰和風雨咸同。海內不偏。地有陰易。故風有遲疾。雖太平之政。猶有不能均同也。唯平均乃不鳴條。陰陽和合。爲電輝輝也。其光長。降陰爲雨。降陰之雨。潤而破塊。

易川靈圖

黃氣抱日。輔臣納忠。德至於天。日抱戴。至德之萌。

若連璧五星若貫珠。吐珠於澤誰能不含。

易通卦驗

仲夏之月。反舌無聲。反舌有聲。佞人在側。驚蟄大
壯初九。桃始華。不華。倉庫多火。冬至初陽。雲出箕
如樹木之狀。

尚書旋璣鈴

冬至陰雲。郡寒有雲迎日者。來歲大矣。此並聖德光
被。以彰嘉瑞。

尚書帝命期

桀失玉鏡。用其噬獸。桀無道。夏出霜。秦失金鏡。魚目入珠。春鳥星昏。中以種稷。夏火星昏。中以種黍。穀。

尚書考靈耀

地有四游。冬至地上行。北而西三萬里。夏至地下行。南而東三萬里。春秋二分。是其中矣。地常動移。而人不知。譬如人在大舟中。閉牖而坐。舟行不覺也。五

星若編珠。旋璣中星。星調則風雨時。

尚書中候

堯沉璧於河。白雲起。迴風搖落。醴甘也。取名醴酒。

堯祗德匪懈。醴泉出。文命盛德。俊義在官。醴泉出山。

詩含神霧

德化充塞。炤潤八冥。則鸞臻也。曹地處季夏之位。

土地勁急。音中徵。其聲清以急是也。

詩紀曆樞

箕爲天口。主出氣。尾爲逃臣。賢者叛。十二諸侯列於庭。立秋促織鳴。如工急促之候也。梅柳驚春。牛羊來暮。

春秋元命包

危東六星。兩兩而北。曰司空。主水。金守之。天下憂水也。掌圓。法天以運動。指五者法五行。頭者神所居。上圓象天。氣之府也。歲必十二。故人頭長一尺二寸。山者氣之包含。所以含精藏雲。故觸石而出。

昂畢間爲天街。散爲冀州。分爲趙國。立爲常山。牽牛
流爲楊州。分爲越國。立爲楊山。軫星散爲荊州。分爲
楚國。荆之爲言強也。陽盛物堅。其氣急悍也。虛危之
精。流爲青州。分爲齊國。立爲萊山。天弓星流爲徐州。
別爲魯國。徐之爲言舒也。言陰收內安詳也。五星流爲
兗州。兗之爲言端也。言隄精端。故其氣纖殺。鈎鈴星別
爲豫州。豫之爲言序也。言陰陽分布各得處也。東井
鬼星散爲雍州。分爲秦國。得東井動深之萌。其氣陰

也。嘴參流為益州。益之言隘也。謂物類並決其氣急切決列也。箕星散為幽州。分為燕國。營室流為并州。分為衛國。并之為言誠也。精舍交并其氣勇抗誠信也。

春秋運斗樞

天文地理各有所主。北斗有七星。天子有七政也。

璇星明則嘉禾液。

璇星散為橘。

璇星散為姜。風

土失得逆時。則姜有翼辛而不臭。

瑤光散而為鹿。

江淮不祀則瑤光不明。彘生鹿。瑤光之星散而為

象散為鳥散為驚散為雀。玉衡星散而為兔。行世

瑤光則兔出月。玉衡星散為菖蒲遠。雅頌著倡優

則玉衡不明。菖蒲冠環。玉衡星散為鷄遠。雅頌著

倡優則雄鷄五足。玉衡星散為鵠散為李散為椒

天樞得則鸞鳳集。樞星散而為虎。機星散為

鶉德義少殘。機星散為雉。機星得則麟鳳生。萬

人壽。

春秋文曜鉤

庶人爭權。赤帝之精。土勝水。故守宮食薑。卿蛆搏

蛇。金伐木。故鷹擊雉。水滅火。故螽蟴鷄。魁戴

六星曰文昌宮。為六府。軫南眾星為天庫。曰咸。

池。曰天潢。五帝車舍也。楚有蒼雲如霓。圍軫七蟠。

中有荷斧之人。向軫而躡。於是楚唐史畫遺。及而雲。

滅。故曰唐史之策。上滅蒼雲。楚立唐氏。以為史官。

蒼雲如蜺。圍軫七蟠。中有荷斧之人。嚮軫而躡。楚驚。

又曰咸池
天潢五帝
居舍

狗三月而生陽主於
三故狗者
高三尺
殷音班

七九六十三陽氣通故斗運狗三月而生三九

二十七者陽氣成故虎七月而生陽立於七故虎
首尾長七尺殷殷文者陰陽雜也商絃絕蠶合絲

春秋合誠圖

軒轅星主雷雨之神霹靂擊於宮殿者妃后爭政

五光垂米天下大嘉

春秋孔演圖

有人卯金豐擊玉鼓駕六龍天命之見侯其門靈

龜。穴。庭。玄。龍。御。雲。正。氣。爲。帝。間。氣。爲。臣。宮。商。爲。姓。
秀。氣。爲。人。黑。帝。治。生。五。角。之。禽。以。觸。民。天。子。舉。
賢。則。景。星。放。于。天。王。者。德。政。海。內。富。昌。則。鎮。星。入。
闕。蒼。之。滅。也。麟。不。榮。也。麟。木。精。也。麒。麟。聞。日。無。光。
天。命。蕩。白。虎。戲。朝。其。終。白。虎。在。野。八。政。不。中。則。
鐵。飛。八。政。不。中。則。人。無。唇。

春秋說題辭

斗。星。時。散。精。爲。彗。四。月。生。應。天。理。鳳。之。言。鳳。起。聖。

以招期知晚。蚤故鴈南北。以動故也。地精爲馬。十二月而生。應陰紀陽以合功。故人駕馬任重致遠。以利天下。月度疾故馬善走。槐木者虛星之精。

春秋感精符

人主與日月同明。四時合信。故父天。母地。兄日。弟月。注曰。父天於圜丘之祀也。母地於方澤之祭也。兄日於東郊。弟月於西郊。人主含天光。據璣衡。齊七政。操八極。故君明聖。人道得正。則日月光明。五星有度。

王者上感皇天。則鸞鳳至。麟一角。明海內共一
主也。王者不剗胎。不剖卵。則出於郊。大電繞樞星。
炤郊野。感符寶而生黃金。山冬大霧。十日以上不
除者。山崩之候。八月白露降。雀即高鳴。相微。

春秋潛潭巴

火從井出。有賢士從人起。下不兼蜚廉之草。為不
生。蟋蟀來。天子無遠兵。霹靂擊宮。失君精泄。下
有謀起。君德應陽。君臣得道。叶度。則日含王字。含

王字者日中有王字也。王者德象日光所照無不及也。里社鳴此里有聖人其响百姓歸之。疾風拔木。讒臣恣忠臣辱。天亦有大風發屋折木兵大起行千里。虹五色迭至。炤於宮殿有兵革之事。女子化為丈夫。賢人去位。君獨居。丈夫化為女子。陰氣淖。小人聚。宮有牛鳴。政教衰。諸侯相并。牛兵之符也。天子文繡布地。必動絕無嗣。枉矢黑。軍士不勇。疾流腫。

春秋佐助期

天子法斗諸侯應宿。虞舜之時景星出房。太尉

主甲卒神名辨會曰庫兵動鼓自鳴諸侯得衆也。

繆公即位仲夏大寒冰錯亂也。僖公九年秋三

年冬並大雨雹時僖公專樂齊女綺畫珠璣之好掩

月光陰精凝爲災異。黃星騁海水。羅宋均曰黃星

土精土主安靜。躍則失常。

春秋緯

月之將蝕則斗第二星變色微赤不明而蝕。帝伐
蚩尤乃睡夢西王母遣道人披玄狐之裘以符授之。
黃帝出游洛水之上見大魚殺五能牲以醺之天
乃甚雨。

春秋繁露

地出雲爲雨起氣爲風風雨者地之爲爲地不敢有
其功名必上之於天。人之好惡化天之暖晴人之
喜怒化天之寒暑。春氣愛秋氣嚴夏氣樂冬氣哀。

禮稽命徵

王者得禮制。則澤谷之中。有白玉焉。出號令。令民心。則祥風至。天子祭天地宗廟六宗五岳。得其宜。則五穀豐。雷雨時至。四夷賓物。外內之制。各得所。四方之事。無有畜滯。則遊囿六畜繁多。天苑有德星。應。王者殺刑當罪。賞賜當功。得禮之儀。則醴泉出。

禮含文嘉

玉石得宜。則太白常明。神靈滋液。百寶為用。則白

象○至○作樂制禮得○天○心○則景星見○神鼎者質文○
精也○知吉凶存亡能輕能重能息能行王者興則出○

禮斗威儀

歲凶年穀不登○君膳不祭肺○馬不食穀○孟春之日天
子乃以元日祈穀於上帝○孟夏驅獸無害五穀○仲夏
之月乃命百縣雩祀百辟○以祇穀實○孟秋之月農乃
祭穀○天子嘗新○先薦寢廟○臣專政私其君位○則草木
不生○禾穀不實○君乘木而王○其政升平○則福草生○

廟中朱草別名。又曰南海翰以蒼鳥。君乘金而王。
其政訟平。芳桂常生。麒麟在郊。又曰乘金而王。則黃
銀見。君乘水而王。爲人黑色。大耳。其政和平。則景
雲至。北海翰以文狐。君乘火而王。其政和平。梓爲
常生。又曰南海翰以駿馬。君乘土而王。其政太平。
鳳凰集於苑林。政理太平。則時日五色。政不平
則月圓而多輝。政升平。則月清而明。

大戴禮逸

高后崩丞相陳平等使人迎代王計未定遂卜之龜
花得大黃唐大夫已上事卜且筮士則但筮尊卑
之差。

樂稽耀嘉

凡求雨男女欲和而樂又曰開神山神淵積薪夜擊
鼓譟而燔之。地蓄莫如山天開莫如樂。

孝經援神契

元氣混沌孝在其中天子孝天龍負圖地龜出書妖

宋均曰奎
星屈曲相
鈎似文字
之畫蒼頡
視龜而作
書則河洛
之應與人
意所推通
矣

孽消滅景雲出游庶人孝則澤林茂浮珍舒怪草秀

出神魚 伏羲氏日角衡連珠 神靈滋液則碧玉

出 周成王時越裳獻白雉去京師三萬里王者祭

祀不相踰晏食袍服有節則至 奎主文章蒼頡效

象洛龜曜書丹青垂萌畫字 伏羲大目孔子海口

言若含澤斗脣吐教陳機授度舜手握褒 德至山

陵則景雲出德下至地則嘉禾生德至水泉則黃龍

見德至草木則芝草生又曰善養老則芝草茂又曰

德至於草木則木連理。德至鳥獸則麒麟臻。鳳凰翔。
鸞鳳舞。又曰德至鳥獸則白鳥下。王者奉已儉約。
臺榭不侈。尊事耆老則白雀見。

孝經鈎命決

先立春七日。勅獄吏決詞訟有罪當入。無罪當出。立
春。勅門欄無闕鑰。以迎春之精。下弓載楯鼓。示時聲。
動昆蟲也。國多孝則風雨時。澤流深者其水不測。
孝至者其敬無窮。正朝夕者視北辰。正情性者視

孝子

孝經左邦

孝順二親得算二千。赤雀者王者孝則銜書來。
周襄王不能事其母弟。彗入斗亡其度。

孝經內事

王者動得天度止得地意。從容中道陰陽合度則太。
微五帝座星明以光也。王者得禮之制不傷財不。
害民君臣和草木昆蟲各象正性則三台爲齊明不。

雲臺望雲
氣占穀禱

史拾廣覽 占例抄
潤不狹如其度。王者敬諸父有差則火角光明以
揚。王者遠嫌別微殊貴賤抑驕臣息亂子則屏星
爲之明以潤章大也。天子得雲臺之禮則五車均
明河行不離其常宋均云五車主穀民禳災得福無
饑寒之困五穀星之明以應之河若離常則有決溢
之憂則九穀失所植矣。昆弟有親親之恩則鈞鈴
入房宋均云鈞鈴遠房則踈濶今昆弟相親故天相
近明其友也。王者厚長幼各得其正則房心有德

星之應。宋均云。房心爲天子明堂布政之官。長幼厚。則政著明。房心應之而時也。彗在北斗。禡大起。在三台。臣害君。在太微。君害至。在天獄。諸侯作禍。彗行所指。其國大惡。四彗在月中者。君有德。天下欣心。大豐盛。

五經析疑

夫笙者。法萬物始生。導達陰陽之氣。故有長短黃鐘之始。象法鳳凰。八風殺生。以節翺翔。

五經通義

冬至寢兵鼓商旅不行。君不聽政事。夏至陰始動。而未達。故寢兵鼓不設。政事所以助微氣之養也。日在牽牛則寒。在東井則暑。牽牛外宿遠人。故寒。東井內宿近人。故溫也。寒氣凝以爲霜。霜從地升也。東夷之樂。持矛舞。助時之生。南夷之樂。持羽舞。助時之養。王者受命而起。所以立靈臺。靈臺何以爲在於中也。國之南附近辟雍。依仁官也。靈臺制度。奈

何師說曰。積土崇增。其高九仞。上平無屋。高九仞者。極陽之數。上平無屋。望氣顯著。

龍魚河圖

太白之精。下爲風伯之神。主司刑。星辰之精。下爲靈星之神。主得土。

河圖括地象

今紫野中有王。虎鳴雷。聖人感期而興。

河圖稽命徵

帝劉即位百七十年。太陰在庚辰。江充詭其變。天鳴。

地圻。君急恚怒。無雲而雨。瑤光之星如虹貫日。

正白。感廢女於幽房之宮。生帝顓頊。慶都與赤龍。

合。生帝堯於伊祁。女登見大虹。意感生舜於姚墟。

修己見流星。意感生帝戎。文禹一名文命。扶都。

見白氣貫日。意感生黑帝子湯。太姪夢長人感已。

生文王。怪目勇敢。重瞳大口。力楚之邦。秦距之。

帝名政。虎口目角。大目降鼻。長八尺六寸。大七圍手。

鍾惺曰。項羽小贊足。

握○兵○執○矢○名○祖○龍○
帝○劉○季○日○角○戴○北○斗○胸○龜○背○龍○
眼○長○七○尺○八○寸○明○聖○而○寬○仁○好○任○主○
劉○受○紀○昌○光○
出○軫○五○星○聚○井○
大○星○如○虹○下○流○華○渚○女○節○氣○感○生○
白○帝○朱○宣○

河圖稽耀鉤

五○星○散○為○五○色○之○璣○
太○白○散○為○天○狗○主○候○兵○
辰○
星○散○為○枉○矢○流○枉○矢○所○射○可○誅○
填○星○散○為○五○殘○主○
奔○亡○
熒○惑○散○為○室○危○旗○主○惑○亂○
鎮○星○散○為○虹○霓○

主肉淫。又霓者氣也。起在日側。其色青赤白黃。百
世之後。地高天下。不風不雨。不寒不暑。民復食土。皆
知其母。不知其父。如此千歲之後。而天可倚杵。洶洶
隆隆。曾莫知其始終。

河圖始開圖

黃帝名軒。北斗黃帝之精。母地祇之女。附寶之郊野。
大電繞斗。樞星耀感。附寶生軒。曾文曰。黃帝子。天
地開闢。元曆名。月首甲子。冬首日月。五星俱起。牽牛。

遁甲開山圖

自此以上至易稽覽圖俱關著名

霍山南岳有雲師雨虎女媧氏沒大庭氏王有天下五氣異色次有柏皇氏央央氏栗陸氏驪連氏赫胥氏尊盧氏祝融氏混沌氏英氏有巢氏葛天氏陰康氏朱襄氏無懷氏凡十五代皆襲庖犧之號自無懷氏已上史經不載莫知都之所在梧桐不生則九州異

畢萬術

淮南

埋石四隅。家無鬼。鵲腦令人相思。取雌雄各一。錯之。四道通。丙寅日。與人共飲酒。置腦酒中。則相思也。竹蟲飲人。自言其誠。燒角入毛。則虎豹自遠。拔劍倚戶。兒不夜驚。

獨斷 蔡邕

京師。天子之畿內。千里。象日月。日月躔次千里。春

扈氏

也 扈止

農正趣民耕種。鳥 鳩夏扈氏農正趣民芸。除

秋扈氏農正趣民收。切 藍冬扈氏農正趣民蓋藏。

黃^切棘扈氏農正常謂茅氏一曰掌人百果^{丹切}行扈氏

農正晝為民驅鳥^{昔切}宵扈氏農正夜為民驅獸^責責桑

扈氏農正趣民養蠶^{脂切}老扈氏農正趣民收麥^鷄

四代稱臘之別名夏曰嘉平殷曰清祀周曰大蜡^鷄漢

曰臘五帝臘祖之別名青帝以未臘卯祖^{青帝太}

赤帝以戌臘午祖^{赤帝炎}白帝以丑臘酉祖^{白帝少}

黑帝以辰臘子祖^{黑帝顓}黃帝以辰臘未祖^{黃帝軒}

項水行^土

行

之令黃龍

之令黃龍

中華古今注

馮縞

鷓鴣脚高毛冠江東人家養之以厭火災。龜名玄衣督郵有十號一曰神二曰靈三曰赫四曰寶五曰文六曰筮七曰山八曰擇九曰水十曰火凡物含異氣不可以常理推耳。火龜由火鼠耳千歲之龜常有白氣冉冉而起耳。靈龜五色似玉背陰向陽知存亡吉凶千歲游於蓮之上五色其鳥其額上兩骨起骨起似角解人言浮於藁蓍下南方人以龜支床足。

經二十餘歲。老人死。移床。龜尚生。不死。能行氣導引。至神若此。

古今注

崔豹

華蓋黃帝所作也。與蚩尤戰。常有五色雲在帝上下。故爲華蓋也。曲蓋。武王伐紂。大風折蓋。太公因而爲折蓋之形。

袖中記

沈約

移風縣有鷄雄鳴長旦。其聲清如吹角。每潮至則鳴。

故呼爲雞潮。居風縣有蟻。絮藤人視土中知有蟻。因墾發以木皮挿其上。則蟻出緣而生漆。

演繁露

宋程大昌

筮遠日。旬之外日爲遠日。諸家多言著以七爲數。

至其何以用七。則莫有言者。意謂七七四十九。正著

之用耳。歷考諸易。自數總以及數變。皆無以七爲祖。

者。獨有七爲少陽。固在四策之一。然此之七也。進之。

不得爲陽數之極。退之不能爲陽變之祖。則七在四。

束中。特其列數之一耳。安能摠攝它數也。顧獨於未
流取四十九。以配七七。而謂著數之祖。何所本也。

韓詩外傳曰。越裳來獻白雉。謂周公曰。久矣天之不
迅風疾雨也。海之不波溢也。中國殆有聖人。今人用
瀛海無波。皆本此。汶南無鸛鵒。江南無狐。粵無馬
虎。廬人見駝。以爲山精。潤州人見帽。以爲王薄蟲。

筆記
宋宋祁

鷓鴣鳴。春蟋蟀吟。夏蜩螗唱。秋螳子戰。陰莫仁於

雨露而靡草夏枯。莫嚴於霜雪。而松柏冬青。梟不
憑。夜弗能自怪。水淵則回。道衍則聖。

誠齋雜記

元周達觀

鄭玄師馬融三載無聞。融遣還。玄過樹陰下假寐。夢
一人以刀開其心。謂曰。子可學矣。於是寤而即返。遂
洞精典籍。陶侃嘗捕魚。得織梭。挂壁。有頃。雷雨。梭
變成赤龍。飛上。張道陵母夢夫人自魁星中。以荷
薇香授之。遂感而孕。漢時王朗爲會稽太守。子肅

隨之郡。往東齋中。夜有女子從地出。稱越王女與肅
歡。曉別。贈墨一丸。肅方欲注周易。因此覺才思開悟。

釣磯立談

宋費極

數窮於九九者一也。至十則又爲一矣。此蔡西山之
說。渡江河者。朱書禹字佩之。免風濤保安吉。此神
山真符也。江海有婢妾魚游必三。一前一後。

硯崗筆志

宋唐稷

湖州長城縣啄木嶺金沙泉。每歲造茶之所。居常無

水湖常二郡守至境具牲祭泉其夕清溢造御茶畢其水即微減太守造畢即涸太守或還旆稽期則示風雷之變或見驚獸毒蛇水魃焉

嘉蓮燕語

關名

北周明帝爲岐州刺史公堂上時有圓雲若蓋五色相間經時而滅州人以其下有寶器韋敬遠獨曰此天子氣也及閔帝廢迎立之帝知敬遠非常人側席禮聘卒不能屈神降伍氏有雌雞司晨者問之

答曰。牝雞不鳴。唱則神生。其家果大利。

致虛雜俎

闕名

夢神曰。趾離呼之而寢。夢清而吉。有呪曰。元州。祥管。娶竺米。題臨卧。誦七通吉。筆神曰。佩阿。研神曰。淬妃。墨神曰。回氏。紙神曰。尚卿。筆神又曰。昌化。司書鬼曰。長恩。除夕呼其名而祭之。鼠不敢嚙。蠹魚不生。

漂粟手牘

闕名

鳴夷二年。國中雨石大者方圓丈餘。小者亦大於拳。

史記卷一百一十五
而及數里不傷人屋後亦無他。至今葑門內里許有大石。是其遺蹟也。 魏皇夜夢昇於天。無日而明。光

芒射目。不可視。驚覺。乃燭也。於是孿生二女。名曰宵明。燭光。 呂后時冬十二月。見未央宮前有一紫燕。

后以爲不祥。使侍中陳當時逐之。飛入廐內。不得出。值牝馬方仰首而嘶。遂飛入其口中。便有紫雲覆於馬首。頃之而滅。當時奏狀。后異之。詔有司曹視此馬。後生駒。日馳數百里。因號曰紫燕。

奚囊橘柚

開名

軒轅游於陰浦。有物焉。龍身而人頭。鼓腹而遨遊。問
於常伯。常伯曰。此雷神也。有道則見。見必大雷雨。而
拔木。君亟歸乎。須臾雨大至。雷電交作。陰浦之木盡
拔。

樹萱錄

唐劉禹

王吉夜夢一蜚螭。在都亭。作人語曰。我翌日當舍此。
吉覺異之。使人於都亭候之。司馬長卿至。吉曰。此人

鍾惺曰戒
符蘊藉

文章橫行一世。天下因呼彭蜺為長卿。卓文君一生
不食彭蜺。

三餘帖 關名

說文謂萬物之精。上為列星。當曰列星之精。下為萬
物。黃既丘令朱璜命山下人曰。六甲乃上帝造物
之日。是日殺生。上帝所惡。六甲者。甲子。甲戌。甲申。甲
午。甲辰。甲寅。日也。大禹有黃龍負舟。得寶玉於龍
背。龍即馴然而逝。故謂之龍負玉。註曰。即龍輔也。

落成。疑即
落塵。今寬
杭也。

無餘胡王有落成。天大旱。浸於水。即雨下。和氣旁
薄。陰陽得理。則配玄。榮於堂。配玄即今水仙花也。一
名儷蘭。一曰女星。散爲配玄。

就日錄

元耐得翁

唐人著夢書。言夢有徵。夫夢者何也。釋氏以四法判
之。一曰無名薰習。二曰舊識巡遊。三曰四大偏增。四
曰善惡先兆。周官筮人掌占六夢。一曰正夢。二曰噩
夢。三曰思夢。四曰寤夢。五曰喜夢。六曰懼夢。季冬聘。

惡夢則取
築之始萌
而祭之乃
遣使去也

王夢獻吉夢於王。王拜而受之。乃釋萌於四方。以贈。
惡夢。造化權輿曰。神遇爲夢。形接爲事。浮虛夢揚。沉
實夢溺。寢藉帶夢。蛇鳥銜髮夢。飛將雨夢。水將晴夢。
火將病夢。食將憂夢。歌舞。山列子之論也。

咸定錄

關名

隋末望氣者云。龍門有天子氣。連太原。甚盛。故煬帝
置離宮。數游汾陽。以厭之。後高祖起義兵汾陽。遂有
天下。舊說聖善寺閣常貯醋數十甕。恐爲蛟龍所

伏以致雷霆也。

談撰

元虞裕

卉木皆感於春氣而後發生者。以木旺於寅卯然也。獨梅開以冬。其故何哉。蓋東方動以生風。風生木故曲直作酸。則酸者木之性。唯梅之味最酸。乃得氣之正北方。水為之母以生。則易感。故梅先衆木而華。陰陽之氣行乎天地之間。其相薄也。則感而為雷。激而為電。其偏勝也。則怒而為風。和而為雨。故東方之

氣雷南方之氣。電西方之氣。虹霓北方之氣。雲雨雪
電。霰中央之氣。露是以陰凝。故雨墜爲雪。雨者水氣
也。陽氣蒸於九泉之下。淺而爲雲。山雲草莽水雲魚
鱗。旱雲烟火雨雲水波。各從其數耳。北方之氣寒。東
方之氣溫。風自北自東者寒溫之氣也。故爲雲爲雨。
風高者道遠。風下者道近。不鳴條。搖木者四十里。折
木枝者四百里。折大木者五千里。三日三夕者天下
盡風。三日二夕者天下半風。半雨一日一夜者其風

行萬里水旱之變。兩天地震日月薄食皆出於常数。
乾陽也。故馬蹄圓。坤陰也。故牛足拆。陽病則陰勝。
故馬病而卧。陰病則陽勝。故牛病而立。馬陽也。故起
先。前足卧。先後足。牛陰也。故起先後足。卧先。前足。
劈歷之下必有楔。柿木中間多有文。磁石能引鐵。伏
苓善辟瓦石。脾入水即乾。出水即濕。獨活有風則息。
無風則動。

丹鉛總錄

楊慎

唐詩風次
山帶遙知

天將雨。則有白雲。或冠峯岩。或亘中嶺。俗謂之山帶。
不出三日必雨。甘石星經曰。昴西方白虎之宿。太
白金之精。太白入大昴。金虎相薄。主有兵亂。文選張
平子賦。始於宮隣。卒於金虎。王者德至雲漢。則天
河直如繩。冬至晝極短。日出辰而入申。炤三不覆。
九夏至晝極長。日出寅而入戌。炤九不覆。三炤三者
南三方。巳午未也。不覆三者。北三方。亥子丑也。莊
子曰。陽爻陰成。虹禮疏云。日炤雨滴。則虹生。蓋雲心。

漏日月脚射雲。則虹特明耀異常。或能吸水。或能吸
酒。人家有此。或為妖。或為祥。范育曰。日出於卯。卯
之屬為兔。而兔之宅。乃在月中。月出於酉。酉之屬為
雞。而雞之宅。乃在日中。是謂陰陽之精互藏其宅。

呂氏春秋五時見生而樹生。見死而獲死。言農候也。見

生樹生。謂望杏。敦耕。瞻蒲。勸穡也。見死獲死。謂靡草。

死而麥秋至。草木黃落。禾乃登也。織女耀而瓜薦。

大昴中而芋食。春秋元命包云。織女星主瓜果。孝經

援神契云仲冬昴星中收芋莖

張文成太卜判有

楓天棗地之語初不省所出後見唐六典三式云六

壬卦局以楓木爲天棗心爲地

王莽詔曰三皇象

春五帝象夏三王象秋五霸象冬

九宮七色之說

出於乾鑿度云伏羲時龍馬出河戴九履一左三右

七二四爲肩六八爲足五居其中謂之九宮其色則

一六一爲白二黑三綠四碧五黃七赤九紫今大統

曆中每月列下方謂之飛九宮

史記黃帝合萬靈

於明堂正義引緯書黃帝明堂名曰神斗黃帝舍紂
樞之府也斗者主也土精澄靜四神之主也周禮設
斗共其釁鬯注斗音主釁音徽禮喪大記沃水用斗
注斗一作料甘氏星經帝張四維運之以斗月徙一
辰復返其所漢書涇水一石其泥數斗以灌以溉長
我禾黍左傳青鳥司啓者也注青鳥鶡鵒於立春
鳴立夏止故司啓又按易卦通驗立春鶡鵒鳴楊柳
津冬至有雲迎送日者來歲美故詩人云冬至書

雲物

虹食壘軍奪帥。虹飲釜寶利主。

雲糊天月。

藏明金在鑛火收熒。

日月暈於外其賊在於內。

人生四十九日而七魄全其死四十九日而七魄散。

水火交爭鼎在其中兩國交兵使在其中。

霧滃而

蟹嗽枯露下而蚊喙折。月虛而魚腦滅。星實而豕膚

粟。劉歆曰。春宮秋律。百卉必凋。秋宮春律。萬物必

勞。夏宮冬律。雨雹必降。冬宮夏律。雷必發聲。立秋

後井改火。立冬鑽燧改火。

地將震而樞星直。井無

景而日陰蝕。醫和曰：晝選男德以象穀，明宵靜女德以伏蠱，慝。朽瓜化為魚，陳麥化為蝶。與日同度，謂之朔。通一選三，謂之弦。衡分天中，謂之望。光盡體伏，謂之晦。同明相并，異明相消，謂之交蝕。天左舒而起牽牛，地右闢而起畢昴。春秋緯曰：武露布文，露沉。注曰：甘露降其國，布散者人尚武，沉重者人尚文。正月解凍水，二月白蘋水，三月桃花水，四月瓜蔓水，五月麥黃水，六月山礬水，七月荳花水，八月

秋苗水九月霜降水十月復槽水十一月走凌水十二月盛凌水古云梧桐不生則九州異一葉爲一月閏十三葉宋人閏月表梧桐之葉十三黃楊之厄一寸。

鴻書

明劉仲達

唐開元二十五年青州奏日光五色長慶元年五月抱珥五色周顯德七年正月日既出其下復有一日相掩黑光摩盪者久之景德元年十二月日有

影如三日狀。周昭王時九月並出。其色五采。貫紫。
微王南巡狩。濟江溺死。此其始。晉尹思元夜坐屋
中。遣兒視月中有異物否。兒曰。月中一人披蓑帶鉏。
今年當大水。思自視曰。月中人乃帶劍仗矛。當大亂。
三年後小清耳。果驗。天狗所止地盡傾。餘光燭天。
爲流星長數十丈。其疾如風。其聲如雷。其光如電。吳
楚七國反時。吠過梁國者是也。流星色青赤。名曰
地鴈。其所墜者起兵。流星有光青赤。名曰天鴈。軍甲

之精華也。

漢元始四年四星聚柳張各五日而光

武復興於洛。晉永嘉六年四星聚牛女。而元皇復興

於揚土。魯哀公六年吳伐陳。楚子救陳將戰。王有

疾卒。是歲也。有雲如衆鳥。赤鳥夾日以飛。三日太史

曰。其當王身乎。於是王卒。夏禹時雨。金又三日雨。

稻經曰。聖人在位有德者昌。此其治徵。夏桀時天

雨血。雨水。雨冰。紂時雨肉。雨土。雨灰。石。漢永光二年

天雨草。而葉相膠結。大如彈丸。鴻嘉四年雨魚於

信都長五寸以下。建平四年山陽湖陵雨血。廣三

尺長五尺。大如錢。小者如麻子。建和三年北地雨

肉似羊肋。大如手。近赤祥也。梁大同中嘗驟雨。殿

前往往有雜色寶珠。唐貞元四年雨木於陳留。大

如指。長五寸許。每木有孔通其中。下地立如植。徧十

餘里。熙寧八年雨黃土。無細毛。元祐七年正月雨

塵土。紹興十一年三月涇州雨黃沙。紹興八年汴

京雨下水龜。數十里。大小皆冰龜形。具首足卦文。

慶曆三年十二月。天雄軍降紅雪。盡雨血。永徽二年十一月。陰霧凝凍。封樹木。數日不解。劉向以木少陽也。人將有害。霧陰氣。脇木先寒。故將雨而冰。亦謂之樹介。介兵象也。瑞應圖云。仁瑞之澤。其凝如脂。一名膏露。一名天酒。終綱目書黃霧四塞。二皆爲漢末王氏也。五侯之封也。黃霧四塞。莽之將敗也。亦黃霧四塞。惡氛也。山林民毛而方。其物阜。川澤民黑而津。其物鱗。索丘陵民專而長。其物羽。竅墳民皙。

而瘠其物介。陝原隰民豐肉而痺。其物羸叢。青徐
角羽集。寬舒遲。人聲緩。其泉鹹以酸。荆揚角徵會。氣
漂輕。人聲急。其泉酸以苦。梁州商徵接。剛勇漂。人聲
騫。其泉苦以辛。充豫宮徵合。平靜有慮。人聲端。其泉
甘以苦。雍冀合商羽。端駛烈。人聲捷。其泉辛以鹹。
凡地皆象其氣。皆應其類。山氣多男。澤氣多女。瘴氣
多嗜。嵐氣多聾。林氣多癢。木氣多偃。岸下氣多瘡。石
氣多力。險阻氣多癭。暑氣多天。雲泉多毒。谷氣多痺。

丘氣多狂。衍氣多仁。陵氣多貪。輕土多利。重土多遲。
清水音小。濁水音大。湍水人重。中土多聖。人皆應其
類也。山中有蔥。下必有銀。有薤。下必有金。有薑。下
必有銅。錫。山中有王者木。旁枝下垂。謂之靈苗。天
下有九福。京師錢福。眼福。屏帷福。吳越口福。洛陽花
福。蜀川藥福。秦龐鞍馬福。燕趙衣裳福。美女福。三
峨高出五嶽。秀甲九州。震旦國第一山也。有黃金
處水必清。有明珠處水必媚。有子鮪處水必腥。腐有

蛟龍處水必洞黑。井之精名觀狀如美女。好吹簫
以其名呼之即去。一云井鬼名瓊。蜀王獵於褒谷。
見秦王以金一笥遺蜀王。蜀王報以禮物。盡化為土。
秦王大怒。臣下拜賀曰。土地也。今秦當得蜀矣。江
深五里。海深十里。正月朔日西北風。不雨。人多死。
正月朔平旦北風。春民多死。日中北風。夏民多死。夕
時北風。秋民多死。終日北風。大病死者十六。正月朔
風從南來。命曰旱鄉。從西方來。命曰白骨。人多死亡。

風從東來。發屋揚沙石。國有大災也。正月朔天和溫。不風。糴賤。民不病。天寒而風。糴貴。民多病。冬至之日。風雨從南方來者。爲虛風。賊殺人者也。其民皆病。其以半夜至者。萬民皆卧而弗起。故其歲少病。客邪入骨。至立春之日。風從西方來者。萬民又皆中於虛風。兩邪相搏。經氣結代者矣。故諸逢其風而遇其雨者。命曰遇歲覆焉。冬至甲子受制。木用事。火烟青。七十二日。戊子受制。土用事。火烟黃。七十二日。庚子

受制。金用事。火烟白七十二日。丙子受制。火用事。火烟赤七十二日。壬子受制。水用事。火烟黑七十二日。

相雨書

宋黃子發

常以戊申日。候日欲入時。日上有冠雲。不問大小。視四方黑者大雨。青者小雨。

候日始出。日正中有雲覆日。而四方有雲。黑者大雨。青者小雨。

四方有雲如羊。猪雨立至。

史記卷一百一十五
天官書
四方北斗中有雲。後五日大雨。

四方斗中無雲。唯河中有雲。三枚相連。狀如浴猪。三日大雨。

以丙丁辰之日。四方無雲。唯漢中有者。六十日風雨和常。

以六甲之日。平旦清明。東向望日。始出時。如目上有青雲。大小貫日中。青者以甲乙日雨。赤者以丙丁日雨。白者以庚辛日雨。黑者以壬癸日雨。黃者以戊己

日雨。

六甲日四方雲皆合者即雨。

以天方雨時視雲有五色黑赤並見者即電黃白雜者風多雨少青黑雜者雨隨之必滂沛流潦。

四方有躍魚雲遊疾者即日雨遊遲者雨少難至。

占候抄終





